

# Guangjisi Minzcu Bau

ganhhau: CN45-0036 B.2017 Nd.1 Ng.25 liggaeuq bingjsaen nienz ndwenlab ngeih bet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3259期

## Cungzcoj Si Bi 2016 Hong Doigvangq Yungh Vah Saw Minzcu Aeundaej Seiq Aen Cungbyoengq Moq

### 崇左市 2016 年民族语文推广应用工作取得四大新突破

Bi 2016, Cungzcoj Si hong vah saw minzcu ndaejdaengz Cungzcoj Si Minzcunghvej yawjnaek caeuq haenq-rengz haeuicoengh, doenggvaq yungh gij banhfap gaenxmaenx mizyauq, cauxmoq doicaenh hong doigvangq yungh vah saw minzcu, aeundaej seiq fuengmienh cungbyoengq moq.

It dwg caeuq guekgya caengzmienh doxyau miz cungbyoengq moq. Cung-guek Minzcu Yijvwnz Fanhyiz Giz youq aen si neix ciuhai aen hoih lauxhangz saemjdingh fanhoiz swzmoq Sawcuengh Vahcuengh bi 2016, hong vah minzcu cingzyauq ndaejdaengz gyoengq lauxhangz camgya hai hoih haenx cungfaen haengjdingh, Swcigh Minzyij Laebfap Diuycenzuj daengz aen

si neix haiguh ciendaez diuyenz.

Ngeih dwg cozbini Vahcuengh fanhoih miz cungbyoengq moq. Gonq-laeng guhsat hong denyingi 《Canlangz》 fanhoiz baenz Vahcuengh Cungzcoj caeuq go 《Cungzcoj Gyaundej》 fan ciengq fanhoiz baenz Vahcuengh, dawz denyingi 《Dingzdingj》 bi 2015 fanhoiz baenz Vahcuengh Cungzcoj haenx liedhaeuj lajmbanj denyingi cuengq-ing gunghcwngz, cujciz cunz cuengq denyingi Vahcuengh 26 ciengz.

Sam dwg loegguh gvangjibo densi lanzmoeg Vahcuengh miz cungbyoengq moq. Yienzlaiz miz si, yienh song gaep 《Sinhvwnz Vahcuengh》 lanzmoeg cingqciengz boqcuengq, Lungzcouh, Denhdwngj 2 yienh youh gyalai

haicuengq “ginhsingh gangj gojgaeq” “ciet gobo” daengj 3 aen lanzmoeg Vahcuengh.

Seiq dwg hong fanhoiz Sawcuengh miz cungbyoengq moq. Bienyaeng 《Fwen Comz Bouxcuengh Cungzcoj》 (Cek Daihseiq), yungh sawndip, Sawgun, Sawcuengh, Gozci Yinhbyauh daengj seiq cungj saw, soucomz cingjeix fanhoiz 40 hot Fwencuengh gaenh bi neix cauxsij haenx; gyoeksuenq cujciz ciendaez hozdung fanhoiz 2 baez, fanhoiz aen yaeng baizbienj 13 aen, fuk baengzhoengz 120 diuz, bang banh fwen Vahcuengh doxdax caeuq vwnzyi biujyienj 52 ciengz, hong fanhoiz Sawcuengh cungjsoq lai gvaq bi 2015.

(Nungz Cinhsiengz/农祯祥)

### Mbanjmyauz Ciengq Go Diuq Foux Cux Ciengmoq



#### 苗乡歌舞 迎新

1 nyied 20 hauh banhaemh, Yungzuij Myauzcuz Swciyen banh aen vanjvei lienzvuen ndwencieng vwnzva hidungj, doenggvaq gofoux minzcu Mbanjmyauz daegbied gagmiz haenx angqcoux bi moq ndwencieng daeujaengz. Ciuq cam rox, baenzdaug bohoih Myauzcuz aen yienh neix youq binaengz liggaeuq ndwencieng co' ngeih daengz cibcaet banh haenx gaeng ndaej liedhaeuj daengx guek buek daeuz feihyiz mingzloeg, ndawde gofoux aenvenz Myauzcuz couhdwg bohoih guh' angq hozdung ndawde cungj he. Ndaw doz dwg bouxyienj cingq diuq foux boq aenvenz.

(Gungh Siengzyouj/龚祥友)

### Yinhcwngz: Yungh Fwencuengh Banh Aen Vanjvei Vwnzyi Cux Ciengmoq “Caet Haj” Bujfaz

#### 忻城: 壮语山歌形式举办“七五”普法迎新春文艺晚会

1 nyied 19 hauh banhaemh, “aen vanjvei vwnzyi senhconz bujfaz bi 2017 Yinhcwngz Yen” youz Yinhcwngz Yenvej Senhconzbu, Yen Minzcunghgiz daengj lienzhab banh haenx youq vwnzva gvjangcangz Ouhdung Yangh aen yienh neix banh.

Vanjvei miz doiq fwen, diuqfoux, siujbinj daengj 13 aen cezmuuz vnzlai haengj dingq gyaenz yawj haenx, yungh gij hingzsiq yisuz fungfouq yiengq vnzlai senhconz faplwd fapgyi cihsiz, cezmuuz

depgaenh saedcej saedsaeh, doengsug ngaih rox. Baez vanjvei neix, yinx ndaej 1000 lai boux vnz mbanj henzyawj Yizcouh, Liujgyangh daengj si yienh daeuj yawjgonz, hawj gyoengqvunz ndaej yawj mbat vanjvei nanzlumz he.

Youq daengx guek cienzmienh doihengz “caet haj” bujfaz geizgan, Yinhcwngz Yen ciuq gij anbaiz daengx guek daengx gih, giethab dangdieg saedsaeh cingzgvang, mboujduenh doenggvaq vanjvei, banjbau, senhconz

swhliu, cek saw senhconz daengj lai cungj fuengsik, yungh diemj daiq mienh, laebdaeb gyalai bujfaz senhconz ligdoh, nyinhcaen doeksaed bujfaz cwzyin, gaenxmaenx dungyenz rengz gwnzbiengz gvangqlangh camgya fapceih senhconz gyauyuz, gaenxmaenx caux ok gij heiqfaenh ndei rox fap, souj fap, ciuq fap naekgywd haenx, roengzrengz hwnjguh aen fapceih vwnzva sevei cuji gig miz minzcu daegsaek he.

(Lanz Cunghcwngz/蓝忠成)

## SIUSIK DINJ 简讯

● Mboengqneix, Sanh-gyangh Duncuz Swciyen Giswng Hezvei veivwncuj bae daengz mbanj cam cunz ranz daegbied geiq-seng, soengq cienzcamnai caeuq doxgaiq bae hawj gyoengqde, soengq gij gvansim caeuq hohfuk ndwencieng dangj caeuq cwngfuj bae hawj gyoengqde. Baez cam cunz neix gungh bae 25 ranz, soengq cienzcamnai caeuq doxgaiq hawj gyoengqde gungh dij 7000 lai maenz ngaenz.

(Yiz Vanjyaz)

● Gaenh bi neix daeuj, Cingsih Si gung iengangq, mak, byaek, ywdoj caeuq dajciengx daengj daegsaek canjnieb, “it mbanj it daegsaek, it yangh it canjnieb” gyavaiq yamqdin nungzhoh vut gunz, daegsaek canjnieb lai cungj lai yiengh, fouqminz canjnieb diegdieg miz, miz bouhloh doicaenh cingcinj vut gunz.

(Lij Liz Hij Cunghliuz)

● Gaenh bi neix daeuj, Namzningz Si Vujmingz Gih gyavaiq daezsang ginghci “saedlig geng” doengzseiz, mboujduenh gyagiengz hwnghat vwnzva “saedlig unq”, aeu gijndei vwnzva bienq baenz gijndei hwnghat, daengx singzgi h vwnzva giekdaej sezsih mboujduenh laebndei, vnzlai vwnzva hozdung mboujduenh fungfouq, singz yangh vnzlai vwnzva mboujduenh hwnghat hoenghvuengh.

(Banh Veihevih Liengz Haijyingh)

### Daengq Beixnuengx

Ndwencieng cuengq-gyaj, geiz bauqcej 2 nyied 1 hauh mbouj ok lo. Hoh gyoengq beixnuengx vuen-vuen heijheij gvaq cieng! Ndaw bi moq ndangrengz yienghyienh guh baenz!